

Իրավիճակը Տավուշի մարզի աշխատաշուկայում


(2022 թ.մայիսի 1-ի դրությամբ)

2022թ.-ի հունվարի 1-ի դրությամբ աշխատանք փնտրողների թիվը Տավուշի մարզում կազմում է շուրջ **5.7 հազար մարդ**: Գործազուրկների թվաքանակը կազմում է աշխատանք փնտրողների 75.9%-ը կամ 4.3 հազար մարդ: Այս ցուցանիշը նախորդ տարվա նույն ժամանակահատվածի նկատմամբ նվազել է 1.9%-ով: Գործազուրկ կանանց թիվը կազմում է գործազուրկների թվի 59.1%-ը, կամ 2.5 հազար մարդ: Գործազուրկի կարգավիճակ ունեցողների 17.7%-ը երիտասարդ է, 3.9%-ը հաշմանդամություն ունեցող անձ, 52.9 %-ը՝ գյուղաբնակ¹:

Իրավիճակը	2021թ.	2022թ. հունվարի 1-ի դրությամբ	2022թ. մայիսի 1-ի դրությամբ
Աշխատանք փնտրողների քանակը	6100	5700	4900
Գործազուրկների քանակը Այդ թվում՝		4300	75.4%
Գործազուրկ տղամարդկանց քանակը			1600
Գործազուրկ կանանց քանակը		2500	58.1%
Գործազուրկ երիտասարդների քանակը (16-29 տրեկան)		761	17.7%
30-44 տարեկան գործազուրկների քանակը		2013	46.8%
45-54 տարեկան գործազուրկների քանակը		813	18.9%
55 տարեկանից բարձր տարիքի գործազուրկների քանակը		714	16.6%
Գյուղաբնակ գործազուրկների քանակը		2275	52.7%
Որակավորում չունեցող գործազուրկների քանակը		671	15.6%
Տարեսկզբից աշխատանքի են տեղավորվել	601		210


Աշխատանք փնտրողների և գործազուրկների թվաքանակն ըստ Տավուշի մարզի տարածքային կենտրոնների (2021թ.-ի 2-րդ կիսամյակ)

Իրավիճակը	Իջևան	Նոյեմբերյան	Բերդ	Դիլիջան	Ընդ.
Աշխատանք փնտրողների քանակը	1690	1492	498	1986	5666
Գործազուրկների քանակը	1553	746	416	1583	4298
Աշխատանքի տեղավորվածները (2021թ.-ի 2-րդ կիսամյակում)	176	171	140	114	601




¹ Աշխատանքի սոցիալական հարցերի նախարարություն, Զբաղվածության պետական գործակալություն

Աշխատանք փնտրողների թվաքանակն ըստ մարզերի 2021-2022թթ. /մայիսի 1-ի դրությամբ/²



2022թ.-ի տարեսկզբից աշխատանքի տեղավորվածների թվաքանակն ըստ ՀՀ մարզերի



Ըստ զբաղվածության ապահովման և աշխատանքային ներուժի զարգացման վարչության տվյալների ՀՀ-ում գործազուրկների թվաքանակում շարունակում են մեծ թիվ կազմել.

- բարձրագույն կրթությամբ հումանիտար գիտությունների, կրթության և մանկավարժության, տնտեսագիտության և կառավարման մասնագետները,
- միջին մասնագիտական կրթությամբ կրթության, առողջապահության, տնտեսագիտության և կառավարման, սպասարկման ոլորտի մասնագետները,
- նախնական մասնագիտական կրթությամբ արվեստի և դիզայնի, էկոնոմիկայի և ղեկավարման, տրանսպորտային միջոցների, թեթև արդյունաբերության ոլորտներում ունեցող մասնագետները:

Վիճակագրական կենտրոնի տվյալներով Տավուշի մարզում ըստ կրթական ցենզի հետբուհական և բարձրագույն կրթություն ունեցողների թիվը կազմում է գործազուրկների թվի **11.8%-ը**: Գործազուրկների թվաքանակում հիմնականում մեծ թիվ են կազմում բարձրագույն կրթությամբ՝ ֆիզիկամաթեմատիկական, բնագիտական, հումանիտար գիտությունների մասնագետները, կրթության և մանկավարժության, մշակույթի և արվեստի, տնտեսագիտության և կառավարման, սպասարկման

² Զբաղվածության ապահովման և աշխատանքային ներուժի զարգացման վարչություն

ոլորտի մասնագետները: Կարելի է ենթադրել, որ աշխատաշուկայում այս մասնագիտությունների պահանջարկ չկա, կամ մարդկանց որակավորումները կամ վարձատրության չափը անհամապատասխան են, կամ էլ գործազրկության այլ պատճառներ կան:

Նաև պետք է նշել, որ Զբաղվածության պետական գործակալության տվյալների գործակալությունում գրանցված գործազուրկների կեսից ավելին մասնագիտություն չունի³:

Ըստ այդ գործակալության ուսումնասիրությունների մարզերի երիտասարդները (այդ թվում նաև Տավուշի Մարզի) շարունակում են հիմնականում նախապատվություն տալ հումանիտար գիտություններին, կրթության, տնտեսագիտության և կառավարման ոլորտի մասնագիտություններին, սովորելով տեղական բուհերում, որոնց պարագայում մեծ է գործազրկության մակարդակը և գրեթե բացայակում է պահանջարկը մարզային աշխատաշուկաներում:

Ըստ գործատուների կողմից Զբաղվածության տարածքային կենտրոններին (ՏԿ-ներին) ներկայացված թափուր աշխատատեղերի վերաբերյալ հայտերի **Տավուշի մարզում** հիմնականում պահանջված են.

- **բարձր որակավորման մասնագետներ**- առողջապահության բնագավառի մասնագետներ (բացառությամբ բժշկական խնամքի և մանկաբարձության), ուսուցիչներ:
- **միջին որակավորման մասնագետներ**- բժշկական խնամքի և մանկաբարձության աշխատողներ (օժանդակ անձնակազմ), նախադպրոցական դաստիարակության և կրթության դասավանդողներ, ուսուցչական աշխատակիցներ, խուզարկուներ:
- **սպասարկման ոլորտի աշխատողներ**- տնային տնտեսության վարման ծառայություններ մատուցողներ (սպասարկողներ), հանրային սննդի կազմակերպությունների աշխատողներ, խանութների վաճառողներ, ապրանքների ցուցադրողներ, սննդի արդյունաբերության բանվորներ:
- **Օպերատորներ, ապարատավարներ և մեքենավարներ**՝ մանածագործվածքի (տեքստիլի), կաշվի, մորթու վերամշակման և դրանցից իրերի արտադրության սարքավորումների,
- Որակավորում չպահանջող աշխատատեղերը կազմում են ներկայացված թափուր աշխատատեղերի **15.6 %-ը**:

Ըստ ուսումնասիրությունների բոլոր մարզերում գրադվածներն աշխատուժի մոտավորապես **50 տոկոսն** են կազմում, ընդ որում գրադվածների **40%-60%-ը ոչ ֆորմալ գրադվածության ոլորտում են**: Ոչ ֆորմալ գրադված մարդկանց ամենամեծ թիվը Տավուշում է, իսկ ամենափոքրը՝ Գեղարքունիքում:

Ուշադրություն. Ոչ ֆորմալ գրադվածության մեջ ներառվում են. (ա) գործատուի հետ բանավոր համաձայնությամբ վարձու աշխատողները (այդ թվում՝ տնային տնտեսությունում վճարովի աշխատողները՝ այգեպան, դայակ, սպասուհի, վարորդ, պահակ և այլն), (բ) չգրանցված կազմակերպությունների սեփականատեր գործատուները և ինքնազբաղվածները, (գ) առանց վարձատրության աշխատող ընտանիքի անդամները և (դ) չգրանցված արտադրական կոոպերատիվների անդամները: Ոչ ֆորմալ գրադվածներ են համարվել նաև տնային տնտեսությունում բացառապես սեփական վերջնական սպառման համար ապրանք արտադրող առանց վարձատրության աշխատող ընտանիքի անդամները, եթե արտադրված արտադրանքը նշանակալի մասնաբաժին է ունեցել տնային տնտեսության ընդհանուր սպառման մեջ:

³ Զբաղվածության պետական գործակալություն, Աշխատանքի պահանջարկն ըստ շուկայի ոլորտների (Լոռու, Տավուշի, Շիրակի, Գեղարքունիքի մարզեր)

Ուսումնասիրված բոլոր մարզերում զբաղված մարդկանց մեծամասնությունն աշխատում է գյուղատնտեսության ոլորտում և իրեն գյուղատնտեսական ոլորտի որակավորված աշխատող է համարում (հիմնականում ինքնազբաղված), այնուհետև հաջորդում են համեմատաբար մեծ թիվ կազմող սպասարկման և վաճառքի ոլորտի աշխատողները և բարձր որակավորման մասնագետները (ուսուցիչները): Ավելի փոքր թիվ են կազմում ոչ գյուղատնտեսական ոլորտի որակավորված աշխատողները, միջին որակավորման մասնագետները, որակավորում չունեցող աշխատողները:

2022 թ. հունվարի 1-ի դրությամբ Տավուշի մարզում իրականացված ծրագրեր

	Ծրագրի անունը	Շահառուների քանակը
1.	«Ձեռք բերված մասնագիտությամբ մասնագիտական աշխատանքային փորձ ձեռք բերելու համար գործազուրկներին աջակցության տրամադրում»	30
2.	«Աշխատաշուկայում անմրցունակ անձանց աշխատանքի տեղավորման դեպքում գործատուին միանվագ փոխհատուցման տրամադրում»	43
3.	«Ռազմական դրությամբ պայմանավորված՝ Ադրբեջանի կողմից 2020թ. սեպտեմբերի 27-ին սանձազերծված պատերազմի հետևանքով տեղահանված և փաստացի ՀՀ-ում գտնվող Արցախի Հանրապետության գործազուրկ քաղաքացիների աշխատանքային փորձ ձեռք բերելու համար աջակցության տրամադրում»	27
4.	«Աշխատաշուկայում անմրցունակ անձանց անասնապահությամբ (տավարաբուծությամբ, ոչխարաբուծությամբ, խոզաբուծությամբ, այծաբուծությամբ, թռչնաբուծությամբ) զբաղվելու համար աջակցության տրամադրում»	69
5.	«Գործազուրկների, աշխատանքից ազատման ռիսկ ունեցող, ինչպես նաև ազատագրված ձևով պատիժը կրելու ավարտին մինչև վեց ամիս մնացած»	8
6.	«Աշխատաշուկայում անմրցունակ ազատագրված վայրերից վերադարձած, հաշմանդամություն ունեցող, ինչպես նաև «հաշմանդամություն ունեցող երեխա» կարգավիճակ ունեցող անձանց աշխատանքի տեղավորման դեպքում գործատուին աշխատավարձի մասնակի փոխհատուցման և հաշմանդամություն ունեցող անձին ուղեկցողի համար դրամական օգնության տրամադրում»	3
7.	«Մինչև երեք տարեկան երեխայի խնամքի արձակուրդում գտնվող աշխատանք փնտրող անձանց՝ մինչև երեխայի երկու տարին լրանալը աշխատանքի վերադառնալու դեպքում երեխայի խնամքն աշխատանքին զուգահեռ կազմակերպելու համար աջակցության տրամադրում»	59
8.	«Մեզոնային զբաղվածության խթանման միջոցով գյուղացիական տնտեսությանն աջակցության տրամադրում»	156
9.	«Աշխատաշուկայում անմրցունակ և մասնագիտություն չունեցող մայրերի համար գործատուի մոտ մասնագիտական ուսուցման կազմակերպում»	9
10.	«Ռազմական դրությամբ պայմանավորված՝ վարձատրվող հասարակական աշխատանքների կազմակերպման միջոցով՝	9 (Նոյեմբերյան,

	Ադրբեջանի կողմից 2020թ. սեպտեմբերի 27-ին սանձազերծված պատերազմի հետևանքով տեղահանված և փաստացի ՀՀ գտնվող Արցախի Հանրապետության գործազուրկ քաղաքացիների ժամանակավոր զբաղվածության ապահովում»	Դիլիջան)
	<i>Ընդամենը</i>	413

Աղբյուրներ.

1. Զբաղվածության ապահովման և աշխատանքային ներուժի զարգացման վարչության տվյալներ, <https://employment.am/am/439/LinkPage.html>
2. Աշխատանքի սոցիալական հարցերի նախարարություն, Զբաղվածության պետական գործակալության տվյալներ
3. Տավուշի մարզի սոցիալական ծառայության տարածքային կենտրոնի տվյալներ
4. Մակրոտնտեսական վերլուծություն՝ կատարվել է «Մոդեքս» ընկերության կողմից հատուկ «ՀՀ ԱՇԽԱՏԱՇՈՒԿԱ 2021» զեկույցի շրջանակներում

Մասնագիտական կրթության որակի ապահովման բաժին